

[Augsburg], 12. Mai 1558

An Joachim Camerarius d. Ä.

Melanchthonhaus Bretten, Hs. Inv. Nr. 17 (ehemals BSB, Clm 10370, Nr. 270 oder 271).

Clarissimo viro, D. Ioachimo Camerario etc. Domino et amico suo colendo. Leipzig.<sup>1</sup>  
 S. P. D. Serius rescribo, quod me hactenus et iter et valetudo et intricata negociola impediuerunt. Filiolae tuae obitum sanè doleo, quem tamen te pro sapientia tua animique constantia moderatè ferre non dubito, et Deo gratias agere, quod eam potiss[imum] abstulerit, cui vita διὰ τὸ σωμάτιον οὐκ εὔκρινες, vt audio, γενόμενον, minus iucunda esse potuisset. De Theone polliceri nihil habeo, quod nec meis opib[us] eum parare queo, et D. Hulderichus insignis est cessator. Cui literas tuas statim obtuli. quid tibi responderit, equidem nescio, mihi quidem verbum nullum ea de re fecit, et frustra admonetur, a me prae*sertim*. Nugas quasdam meas istuc esse perlatas miror. Quanquam Ruij potius scripta de artib[us] dicendi quam nugas meas, nisi quod alicubi ♀ apposui, et scholae nostrae rationem breuiter exposui. Ruiiana te pridem vidiſſe arbitror, emblemata mea tua inspectione digna minimè sunt. Quia tamen requiris, vbi potero mittam. Nam tabellarium tanta sarcina onerare non est operaeprecium. Fortunam scholasticam, vti mones, aequo animo feram. Noui nihil admodum hic audio, nisi quod Turcica classis Siciliam iustis praesidijs destitutam occupatura esse putatur, maiore vtique Christianae Reipub[licae] detimento, quam cum Rhodus est amissa. Τοιαῦτα ὁ μωρὸς πόλεμος ἔξεγγίζεται Regulorum, quorum alter ab equis, alter ab asinis κατὰ κέλτας εἰπεῖν, nomen habet. Vale. 4 Idus Maij 1558.

Hiero[nymus] Wolfius.

Ad Cal[endas] Decembres aut Nouembres, Comitia hic fore dicuntur. In quae si et tu excurrere volueris, facile a Samuele Quietano successore meo, impetrabitur, vt in Fuggerana Bibliotheca, quoad volueris, ἐμφωλεῦσαι tibi liceat.

<sup>1</sup>Unter der Adresse von anderer Hand: Valentinus Schubart Brixensis.